
Kemahiran Pengurusan Masa Pelajar Politeknik : Tahap Dan Hubungannya Dengan Pencapaian Akademik

Norni binti Abdul Wahab¹, Noraini binti Ismail²

^{1,2} General Studies Department, Politeknik Sultan Mizan Zainal Abidin, Dungun, Terengganu, Malaysia
E-mail: norni@psmza.edu.my, noraini@psmza.edu.my

Abstract

Amalan pengurusan masa adalah sangat penting dalam kehidupan pelajar agar masa itu dapat dimanfaatkan dengan sebaik mungkin untuk mereka memperoleh keputusan yang cemerlang dalam bidang pengajian mereka. Dalam kajian ini, penyelidik ingin melihat sejauh mana pelajar Politeknik Sultan Mizan Zainal Abidin (PSMZA) menguasai kemahiran ini dan implikasinya terhadap prestasi mereka. Maklumat diambil dalam bentuk kuantitatif dengan menggunakan kaedah secara tinjauan. Instrumen kajian menggunakan set soal selidik yang dibina menggunakan Google Form. Borang soalselidik ini mengandungi 5 soalan di bahagian A dan 24 soalan di bahagian B. Penggunaan skala likert 5 mata diguna pakai bagi menjawab setiap soalan di bahagian B. Seramai 249 pelajar Politeknik Sultan Mizan Zainal Abidin telah dipilih sebagai sampel kajian dengan menggunakan pensampelan secara rawak. Kajian ini menfokuskan kepada tahap kemahiran pengurusan masa di kalangan pelajar PSMZA dan hubungannya dengan pencapaian akademik. Data yang diperoleh dianalisis bagi mendapatkan nilai peratus dan skor min menggunakan perisian Statistical Package for the Social Sciences (SPSS). Hasil analisis menunjukkan bahawa responden mempunyai tahap kemahiran pengurusan masa yang tinggi. Dapatan kajian juga mendapati kemahiran ini tiada perbezaan yang signifikan antara jantina, tahap semester dan bidang pengajian. Di samping itu, kajian mendapati wujud hubungan signifikan yang rendah antara pengurusan masa dengan pencapaian purata nilai mata (PNM) pelajar. Sebagai rumusan kajian, pihak berautoriti dalam sistem politeknik dicadangkan supaya terus berusaha ke arah mewujudkan pendidikan yang berkualiti agar dapat melahirkan pelajar yang kompeten dalam bidang dan berinovatif.

Kata kunci : *pengurusan masa, pelajar PSMZA, pencapaian akademik*